

ազրիւրներ, ճահճային վայրեր, գոյնզգոյն ծաղիւնք. մարդահասակ խոտի մէջ ոչխարաց հօտը անյայտացած է, հովուի սրինգի քաղցր ձայնը միայն կը լսուի. ինք արդէն մարգագետնոյն վերայ ընկողմանած անհող, զուարթ կը փչէ: Այս լեռնէն կիջնան ջրեր ի հիւսիս հոսելով Շեռեանի սնունդ կտան. նոյնպէս այլ ջրեր ի հարաւ արեւելս խոնարհելով Արածանուոյ աջ կողմն գտնուած Անդափի¹ և Մանազկերտի մասերն իրարմէ բաժանելով Արածանի կը թափի քէսուկ (կտրուկ) անուամբ:

Բարազան լերինք. — Ալաշկերտի դաշտի ուղղակի յարեմուտս բարձրացած են Բարազան լերինք, որք Շեռեանայ զլիոյ² արեւմտեան կողմն շրջապատած են և տարածուած Խալեազի արեւելեան հարաւային բարձունքը մինչև Բրձօի յարեմուտս գտնուած կէլին լեռն: Այս լեռներն Բարազցի կոչուած քրդական քաջ ցեղի ամարանոցներն են. որք Բազրեանդայ կը պատկանին, իսկ որոյ ձմեռանոցն կը գտնուի հարաւային երեսին վերայ, որ Մանազկերտի և Անդափի կը պատկանի:

Ղարղաշան լեռոն Խալեազի հիւսիսն: Կոսիս կամ Կոռէ Բարանան, որ քանի նշանակութիւն ունի. ըստ քրդաց. — անմազ խոյ, բարձր լեռ, մակաղատեղի խոյից, գերեզման խոյից, որ կայ յարեւելս Սուկաւէտի:

1. Գուծաղ (երկու թաղ) Անդափի կառաւարչանիստ գիւղաքաղաքն է, Գարաքիլիսէէ 6-7 ժամ հարաւ՝ Արածանուոյ աջ ափին վերայ կայ:

2. Շեռեանայ գլուխ կասուի Ալաշկերտի դաշտի արեւմտեան ծայրն գտնուած մի մասն, որ գիւղախմբապետութիւն է 17 քրդ. գիւղերով, զորս Շեռեան գետ այս դաշտին մէջ աջ բաժանած է: